

聚學軒叢書

文選箋證卷二十六

績溪胡紹煥學

貴池劉世珩校刊

漢武帝詔

故馬或奔蹏而致千里

注善曰言馬不良或奔或蹏聲類曰蹏蹏也王氏念孫曰蹏亦奔也蹏之言馳奔蹏猶言奔馳耳說文赳蹏也淮南修務訓墨子跌蹏而赳千里高注蹏赳走也蹏與蹏同是疾行謂之蹏也

泛駕之馬

注應邵曰泛覆也泛方奉切按說文𩇑覆也漢書顏注同音方勇反字本作𩇑後人通用耳廣韻引此正

作𦵏又食貨志大命將𦵏孟康曰音泛方勇反玉篇
引作大命將𦵏然則正字作𦵏作泛爲通用字

跡弛之士

注如淳曰弛廢也士行卓異不入俗檢如見斥逐也
按跡弛亦連語跡之言斥也亦拓也斥拓皆開大也
字本作跡玉篇跡弛也弛放也如解跡爲斥逐恐非
賢良詔

北發渠搜

注晉灼曰北發似國名也善曰國名也大戴禮北發
渠搜氏羌來服按善引見少問篇盧注北發北狄地
名漢書顏注引孔子三朝記南撫交趾北發渠搜則

以北發對南撫爲非國名然少簡篇南撫交趾罔不
率俾五帝德篇南撫交趾大教鮮友渠搜氏羌北山
戎發息慎東長烏夷羽民似南撫亦地名不特北發
也北山戎發當爲山戎北發山戎見管子書周書王會篇作發人諸作北
發者以國在北故謂之北發矣

潘元茂策魏公九錫文

世說潘元茂作魏公冊命人謂訓誥同風元茂
亡後王仲宣擅名當時便疑此冊是仲宣所爲
及晉王爲太傅臘月大會賓客語元茂子滿曰
尊公魏公冊高妙仲宣亦以爲不如人始信爲
元茂作

分裂諸夏

六臣本作連帶城邑四字旁證云此據三國魏志武帝紀改

誕育丞相

注善曰毛萇詩傳曰誕大也按誕亦育也華嚴經音義引珠叢誕育也玉篇天子生曰降誕後漢書裴楷傳昔文王一妻誕致十子虞美人傳誕生聖皇晉書袁公傳誕靈物以瑞德並以誕爲育毛傳自爲大訓未可據以釋此

羣后失位

注善曰左氏傳曰諸侯釋位以間王政按注引左傳

以注正文釋位則作失者誤六臣本作釋

設官兆祀

注善曰周禮曰兆五帝於四郊鄭元曰兆爲壇之營域也按大雅生民后稷肇祀禮記表記作兆祀潘當用此蓋韓詩作兆故爲所據歟以歸肇祀箋肇郊之神位也孔疏肇宜作兆說文兆畔也爲田疇界祭其中周禮曰兆五帝於四郊

乘軒將返

旁證云魏志軒作轅五臣亦作轅善注引左傳改乘轅則亦當作轅此傳寫誤

任彥升宣德皇后令

九星仰止

注善曰周書王曰余不知九星之光周公旦曰九星
星辰日月四時歲是謂九星九星九光旁證云張氏
雲璈以爲當指北斗九星蓋以如注所云與下不易
日月句恐犯複也然各史天文志北斗皆七星惟劉
向九歎訊九魁與六神王逸注九魁北斗九星也紹
煥按困學紀聞二引此云九星九紀也小閒武篇周
公曰在我文考順道九紀一辰以紀日二宿以紀月
三日以紀德四月以紀刑五春以紀生六夏以紀長七
秋以紀殺八冬以紀藏九歲以紀終與善注合張氏
謂卽北斗九星係指一隅言之此似是而實非也

王

素問注上古世質人涪九星垂明中古道德稍衰標
星藏曜故星之見者七焉此又卽北斗九星二星不
見之說而其云九星謂天蓬天芮天衝天輔天禽天
心天任天祥天英與諸家所舉名不同所未詳也

傅季友爲宋公修張良廟敎

道亞黃中功參微管

按侍中王公碑云體亞黃中功及微管季友亦屢用
此語

冠德如仁

按本書任彥升爲范始興作求立太宰碑云道被如
仁功參微管並本此

過九原者亦流連於隨會

注善曰京當爲原按依注則正文本作九京善引檀

弓觀於九原故云然晉語游於九京韋注京當爲原
九原晉墓地又檀弓以從先大夫於九京也鄭注京
蓋字之誤當爲原季友本晉語故作京善引檀弓易
爲原今正文作原從善注改也

王元長永明九年策秀才文

自氓俗澆

注善曰莊子曰唐虞始爲天下漚淪散朴許慎淮南
注曰澆薄也澆與漚同今見莊子繕性篇釋文漚本
亦作澆按後漢書循吏傳澆淪散朴作澆本書頭陀
寺碑文澆風下續注澆與漚音義同招隱詩安事澆
醅樸注漚與澆同亦省作梟荀子非十二以梟亂天

下注梟與獍同氓當作萌善本作萌五臣自作氓全書之例如此

緬追刑厝

注善曰賈逵國語注曰緬思貌也按緬者遠也緬追與上永念對正爲遠義緬與邈又一聲之轉邈亦遠也

懋遷通其有亡

注善曰尙書曰貿遷有無化居段氏尙書古文撰異云王伯厚藝文志攷說漢儒所引異字有賈遷有無化居宋王天與尙書纂傳吳澄纂言皆云伏生大傳作貿江氏叔灃尙書集注定作賈紹煥按據此則衛

文選卷二十六 五
包未改以前漢儒所引皆作質善引作質蓋所見者
本尙書知正文定作質否則與注不相應矣

中產闕游歲之費

注善曰字書曰游仍也按生義未明游再也此言中
產無再歲之給也坎象上傳水游至陸注云游再也
可證

文條炳於鄒說

注善曰鄒說未詳良注鄒衍說天五勝厯數之事按
史記孟荀列傳鄒衍深觀消息而作怪迂之變始終
大聖之篇十餘萬言今其書不傳蓋亦深明氣候所
謂陰陽家言者

紛諍空軫

注善曰方言曰軫戾也謂相戾也按空亡也軫方也並見廣雅謂紛諍而亡方也此云空軫與下無歸意同

永明十一年策秀才文

九序未歌

旁證云何校序改敘是也善引尙書作敘

如傷之念恒軫

注善曰許慎淮南子注曰軫轉也按恒軫猶上言每勤也軫與殷通本書羽獵賦殷殷軫軫注殷軫盛也殷軫義同故文多連言楚辭惜誦王逸注軫隱也隱

與殷亦通邶風柏舟如有隱憂韓詩作殷

若閒冗卑弃

旁證云五臣卑作畢翰注盡爲廢弃正注畢弃二字此傳寫誤

文而無害

注善曰漢書曰蕭何以文毋害爲沛主吏掾音義曰有文而無所枉害也王觀國學林云攷諸家說文無害皆未當文無害者謂不侮文則不害法也不侮文不害法則公私平允而稱爲能吏矣餘詳本書紹煥按此云文而無害合下嚴而不殘句觀之則文當爲深文刻覈之文無害乃不枉法之謂故音義又云律有無

害都吏如今言公平吏此爲近之酷吏傳趙禹爲丞相亞夫吏亞夫曰極知禹無害然文深不可居政府是亦以文爲深文矣言雖深文而尙公平不枉法也學林以文爲不侮文恐非

是以賈誼言天下之有惡吏之罪也

五臣本無天字攷異曰傳寫誤衍也

頃深汰珪符

注善曰說文曰汰簡也今說文汰濶浙也段氏注曰凡沙汰淘汰用浙米之義引伸之或作汰从點者誤也若左傳汰侈汰轉皆卽泰之假借字寫作汰者亦誤紹煥按汰祇一字許不錄汰自郭忠恕佩觿強分

汰汰爲二後人遂以有點爲汰侈之汰猶泰之作太
妄意識別失六書之旨矣

豈非療飢

注善曰毛詩曰可以樂飢鄭元曰泌水洋洋然飢者
見之可飲以療飢療與療音義同按釋文云樂本亦
作療毛音洛鄭音力召反沈云舊皆作樂晚詩本有
作庠下樂正義云定本作樂據此知孔本作療卽沈
所謂晚本也此引鄭箋作療與孔本同說文療治也
重文療韓詩外傳引作療列女傳太平御覽引同本
書郭有道碑注引亦作療然則作療蓋韓詩歟思元
賦羞玉芝以療飢亦本韓詩

加以納款通和

注善曰納其款關之誠而通其和好之禮按款誠也
納款言納其誠也廣雅釋詁款誠也釋訓叩叩誠也
叩叩猶款款本書卜居吾甯惓惓款款朴以忠乎款
叩一聲之轉誠謂之款亦謂之叩猶擊謂之款亦謂
之叩史記商君傳款關請謁集解引韋昭曰款叩是
也

伍彥升天監三年策秀才文

設謗木

注善曰鄧析子曰堯置欲諫之鼓舜立誹謗之木按
古今注以設謗木爲堯事與鄧析子異

日伏青蒲

杜善曰漢書曰史丹直入卧內頓首伏青蒲上應劭曰以青規地曰青蒲按應劭又云青蒲自非皇后不得至此非人臣宴見之所竊謂此借用青蒲字自後如唐錢珣授陸展兵部尚書制剖竹遂行伏蒲未足文粹載張鷟奏自可曳裾紫禁伏奏青規宋劉後邨賀湯司諫啟冠伏蒲之清班遂援爲故實矣

孔文舉薦禰衡表

竊見處士平原禰衡年二十四

按抱朴子曰漢末有禰衡者年二十三孔文舉薦之於朝與此云年二十四不合疑抱朴子誤也